

Offe von Sliwin, er Hugold von Sliniez, er Ditherich von Bernwalde, Ticzman von Grünrode, Nigklaus von Honsperg unde andere lute gnug, den wol ist czû glouben. Gegebin czû Missin nach gotis geburte vierzehin hundirt jar darnach in dem sech[s]ten jare am nesten suntage vor Pauli conversionis.

5

970.

*Markgraf Friedrich bestätigt dem Hans Buchfelder das Amt eines Eisengräbers bei der Münze zu Freiberg.* **Freiberg, 1407 März 13.**

*Hdschr.: Hauptstaatsarchiv Dresden Cop. 32 fol. 67<sup>b</sup>.*

Wir Friderich von gots gnaden langrave ꝛc. bekennen ꝛc. vor uns und unser  
 10 erben, das wir angesehen haben, daz der bescheiden unser isengreber zeû Frieberg  
 Hans Buchfelder by unserm vater seligen lange czit unde ouch by uns dasselbe isegraben-  
 amt unser mûncze daselbens zeû Frieberg redelichen vorgestanden had unde daz ouch  
 wol verwesen unde gute arbeit daczû \*gethun<sup>a</sup>) kann, alz wir von den unsern underricht  
 sind, unde haben noch rate der unsern daselbis zeû Frieberg yme bevalen unde gelaßin,  
 15 bevelin unde laßin dazselbe unser isengrabenamt vorzeûstehn und zeû haben zeû sime  
 libe unde die wile er lebit, alzo daz yme unser munczemeister, der yczunt yst zeû  
 Frieberg obgenant und hernach in zeûkunfftigen zcieten werden, siner arbeit lónen unde  
 darumbe thun sullen, alz sich gebõrit unde hierkomen ist, und her ouch mid der arbeit  
 unser muncze furdern unde nicht hindern sal ane geverde. Des zeû orkunde ꝛc. Datum  
 20 Frieberg anno domini m<sup>o</sup>cccc<sup>o</sup> septimo dominica judica ꝛc.

971.

*Die Gewerken vom Zimmermannschachte leihen den Gewerken von den Sieben Schächten Lehen in acht Haufen.* **1407 Aug. 5.**

*Hdschr.: Rathsarchiv Freiberg. Stadtbuch II fol. 3<sup>b</sup>.*

25 *Gedr.: (Klotzsch u. Grundig) Samml. verm. Nachr. 3, 231*

*Ann.: Vergl. No. 942 (insbes. Note b, d.)*

Noch gotis geburthe vierzen hundert unde sebin jar am fritage vor sente Donati  
 tage habin die gewerckin von Zeymermanschachte gelegin den gewerckin von den Sebin  
 \*Schachten<sup>a</sup>) lehen yn acht huffin yn allir moße, alz hirnach geschrebin steht. Ist, daz  
 30 dy gewercken von den Sebin \*Schachtin<sup>a</sup>) genge irfaren mit dem stollen, den sy yczunt

970. a) gethan.

971. a) Schichten.